



MyRight – Empowers people with disabilities je švedska nevladina organizacija koja okuplja preko dvadeset švedskih organizacija osoba s različitim vrstom invaliditeta za međunarodni program podrške.

Vizija MyRight-a je svijet u kojem sve osobe s invaliditetom uživaju jednaka prava i mogućnosti za dostojanstven život bez siromaštva u inkluzivnim društvima.

Cilj našeg rada je jačanje kapaciteta organizacija osoba sa invaliditetom za vođenje efikasnog zagovaranja za prava svojih članova. Naš rad je zasnovan na pristupu ljudskih prava, te u skladu s tim MyRight podržava zajedničke zagovaračke inicijative koje provode organizacije osoba s invaliditetom u skladu sa Konvencijom UN-a o pravima osoba s invaliditetom.

Opći cilj MyRight-a globalnoga programa, i odnosi se na svaku programsku zemlju:

“Osobe s invaliditetom u MyRight programskim zemljama su više uključene u svim sferama društva, u skladu s Konvencijom UN-a o pravima osoba s invaliditetom.”

Programski cilj MyRight-a, globalnoga programa:

„Partnerske organizacije u MyRight programskim zemljama povećale su svoje sposobnosti i kapacitete da doprinesu povećanju uključenosti/inkluzije osoba s invaliditetom u društvo.“

MyRight, predstavnički ured u Bosni i Hercegovini

Program MyRight-a obuhvata više područja i to: područje aktivnosti kancelarije MyRight i područje zajedničkih aktivnosti, ali i područje aktivnosti pet pojedinačnih projekata partnerskih organizacija iz Švedske (SRF; STIL, RSMH I DVA PROJEKTA KOJE DIREKTNO FINANSIRA MYRIGHT).

MyRight radeći na ispunjenju svog cilja i svoje uluge u osnaživanju članova partnerskih organizacija i jačanju kapaciteta i legitimiteta udruženja radi na dokumentovanju naučenih lekcija, metodologija i najboljih praksi proizašlih MyRight programa.

Opis zadatka

Fokus zadataka je identifikovanje i dokumentovanje najboljih praksi koje uključuju metodologiju i naučene lekcije a koje su rezultat implementacije MyRight programa jačanja kapaciteta i legitimiteta organizacija osoba s invaliditetom u BiH u posljednjih 10 godina.

Glavni cilj poziva:

- Identificirati najbolje prakse koje je organizacija MyRight razvila tokom implementacije programa jačanja kapaciteta i legitimiteta organizacija osoba s invaliditetom za zagovaranje za svoja prava u BiH u posljednjih 10 godina.
- Dokumentovati najbolje prakse metodologijom i naučenim lekcijama.
- Izraditi preporuke za analizu budućih aktivnosti sa stanovišta prepoznavanja najboljih praksi u budućem radu MyRight-a u BiH.

Odgovornosti MyRight

Konsultant će raditi pod direktnom supervizijom MyRight-a, te će se konsultovati sa MyRight predstavnicima tokom cijelog perioda angažmana.

MyRight će sa svoje strane kao naručilac posla konsultantu staviti na raspolaganje sav neophodan materijal.

**Plan realizacije zadatka**

| | |
|---|---------------------|
| Podnošenje prijava (elektronskim putem) | 10. septembar 2020. |
| Potpisivanje ugovora | 15. septembar 2020. |
| Rok za realizaciju | 30. decembar 2020. |

Budžet

Ukupan iznos ponude za sve tražene zadatke u okviru ovog poziva ne bi trebao prelaziti iznos od **3.000,00 BAM.**

Plan isplate

Isplata će se izvršiti na osnovu prihvaćenih rezultata. Iznosi i datumi transfera bit će dogovoreni i ugovorom definisani.

Vlasnička prava

MyRight ima pravo na trajno intelektualno vlasništvo nad svim materijalima koje konsultant proizvede i koji su povezani ili su proizašli iz djela izvedenog kroz ovaj poziv.

Pristupačnost

Konsultant mora poštovati potrebe za pristupačnošću osoba sa različitim invaliditetom i obratiti posebnu pažnju o svim aspektima pristupačnosti.

Podnošenje prijedloga-ponude

Svi zainteresovani kandidati, moraju dostaviti ponudu najkasnije do **10. septembra 2020. godine**, koja treba da sadrži:

- Tehnički prijedlog, koji treba da ukratko i jasno opiše sljedeće aspekte: razumijevanje zadatka i preliminarnu metodologiju i pristup za provođenje zadatka, preliminarni plan rada i vremenski okvir.
- Finansijski prijedlog: dnevne naknade za konsultanta i svih ostalih procijenjenih troškova za provedbu zadatka.
- Biografiju (CV), koja će predstaviti i listu referenci – pregled radnog iskustva ili pruženih konsultantskih usluga u vezi sa zadatkom, dostavljanjem primjerka sličnog zadatka kao dokaz.

Prijave treba dostaviti na e-mail adresu: info@myright.ba

“Izrazi koji su radi preglednosti dati u jednom gramatičkom rodu u ovom pozivu se bez diskriminacije odnose i na muškarce i na žene.”